

四庫全書

集部

欽定四庫全書

九家集注杜詩卷二十六 宋 郭知達 編

近體詩

寄董卿喜榮十韻

聞道君牙帳防秋近赤霄下臨千雪嶺却背五繩橋海
內久戎服京師令晏朝太羊曾爛熳宮闕尚蕭條猛將
宜嘗膽龍泉必在腰黃圖遭污辱月窟可焚燒

謂宮殿會

取干戈利無令斥候驕居然雙捕虜自是一嫖姚落日

思輕騎秋天憶射鵬雲臺畫形像皆為掃氛妖

洙曰牙帳則元

帥建牙旗於帳前也鶴曰防秋近赤霄言列戍西山三城之高也洙曰雪嶺即西山繩橋在岷江史記起王句踐及國苦身勞思飲食嘗膽不忘會稽之起龍泉楚王劍名也趙曰書有三輔黃圖言秦漢宮苑制度洙曰長楊賦西壓月窟西域傳斥候百人五分之夜擊刁斗自衛漢光武拜馬武捕虜將軍明帝復復拜武捕虜將軍霍去病為嫖姚校尉修可曰北史斛斯光工騎射嘗射一大禽形如車輪而不乃鵬也邢子高曰此直射鵬手當時號為落鵬都督趙曰漢朋帝圖畫二十八將於南宮雲臺

寄司馬山人十二韻

關內昔分袂天邊今轉蓬驅馳不可說談笑偶然同道

術曾留意先生早擊蒙家家迎薊子處處識壺公長嘯
峨嵋北潛行玉壘東有時騎猛虎虛室使仙童髮少何
勞白顏衰肯更紅望雲悲轍軻畢景羨冲融喪亂形仍
役淒涼信不通懸旌要路口倚劔短亭中永作殊方客

殘生一老翁相哀骨可換亦遣馭清風

洙曰後漢方術
傳薊子訓有神

異之道既到京師公卿以下侯之者坐上常數百人貴
長房為市祿市中有一老翁賣藥懸一壺於肆頭及市罷
輒跳入壺中市人莫之見惟長房於樓上觀之異焉因
往再拜翁乃與俱入壺中趙曰史記云搖搖懸旌無所
終薄莊子曰夫列子
御風而行冷然善也

寄李十四員外布十二韻

公自注新除司議郎萬州別駕雖尚伏枕

已開
理裝

名參漢望苑職述景題輿巫峽將之郡荆門好附書
遠行無自苦內熱比何如正是炎天閣那堪野館踈黃牛
平駕浪畫鷁上凌虛戲待盤渦歇方期解纜初悶能過
小徑自為摘嘉蔬渚柳元幽僻村花不掃除宿陰繁素
柰過雨亂紅蕖寂寂夏先晚泠泠風有餘江清心可瑩
竹冷髮堪梳直作移中几秋帆發弊廬

洙曰漢博望苑武帝為度太子

置之使通賓客從其所好夢弼曰司議太子武官也以李布新除司議郎故用博望苑事洙曰後漢周景為豫州刺史辟陳蕃為別駕蕃不就景題別駕輿曰陳仲舉座也洙曰內熱字出莊子黃牛峽名修可曰畫鷁者船頭畫為鷁以厭水神洙曰郭璞江賦盤渦谷轉

歸來

客裏有所適歸來知路難開門野鼠走散帙壁魚乾洗杓開新醞低頭著小冠憑誰給麴藥細酌老江干

本作低頭

拭小盤一作著小冠先生云著小冠勝洙曰謝元暉詩散帙問所知注帙書衣也沈曰郭璞注衣書中蟲令人謂之壁魚定功曰壁魚白魚也俗傳壁魚入道經函中因蠹食神仙字身有五色人得而吞之可致神仙也

王錄事許修草堂貲不到聊小詰

為嗔王錄事不寄草堂貲昨屬愁春雨能忘欲漏時

其題

可備口實
其詩可刪

寄邛州崔錄事

邛州崔錄事聞在果園坊久待無消息終朝有底忙應

愁江樹遠怯見野亭荒浩蕩風塵外誰知酒熟香

洙曰
果園

坊在
成都

過故斛斯校書莊二首

公自注老儒艱難時病
于庸蜀歎其歿後方授

一官鶴曰即斛斯六乃草

堂之鄰公所謂酒伴者

此老云已歿鄰人嗟未休竟無宣室召徒有茂陵求是

恨意後來作者皆不
簡及齊步驟略近
妻子寄他食園林非昔遊空餘總

惟在浙浙野風秋
洙曰漢文帝召賈誼於宣室司馬相

其書至則相如已死問其妻曰長卿未死時為一卷書
言有使來求書奏之於是所忠奏焉天子異之其遺書

言封禪事謝元暉
詩茂陵將見求

燕入非傍舍鷗歸祗故池斷橋無復板卧柳自生枝
悲

於他
作
遂有山陽作多慚鮑叔知素交零落盡白首淚雙

垂

洙曰向秀與嵇康為竹林之游後經山陽嵇康之居作思舊賦鮑叔與管仲交管仲曰生我者父母知我

者鮑叔劉孝標絕交論素交盡利交興

立秋日雨院中有作

廣德三年秋成都府幕中作

山雲行絕塞大火復西流飛雨動華屋蕭蕭梁棟秋窮

途愧知己暮齒借前籌已費清晨謁那成長者謀解衣

開北戶高枕對南樓樹濕風涼進江喧水氣浮禮寬心

有適節爽病微瘳主將歸調鼎吾還訪舊邱

洙曰張良願借前箸

以籌之趙曰公謂晚年得預嚴府參謀也趙曰禮寬心有適謂嚴武侍以禮數之寬病微瘳公素有肺病也洙

曰主將謂嚴武也公相期武還朝秉政曰
吾當遂歸計矣希曰舊秋指長安故居也

附
軍城早秋

鄭國公嚴武作

昨夜秋風入漢關

借漢以言唐也

朔雲邊雪滿西山

西山即雪山也謂其

冬夏常積雪故也

更催飛將追驕虜

漢匈奴常號李廣為飛將軍驕虜指吐番也

莫

遣沙場匹馬還

此戒之之辭也春秋公羊傳匹馬隻輪無反者

奉和

秋風嫋嫋動高旌

嫋奴烏切長弱貌九歌嫋嫋兮秋風

玉帳分弓射虜營

已收滴博雲間戍

滴博北雪之地名雲間以言其高也

更奪蓬婆雪外城

蓬婆城名也按編年通載廣德二年嚴武破吐蕃于當
狗城克鹽州城吐蕃傳天寶二年已前王昱兵次蓬婆
嶺

院中晚晴懷西郭茅舍

幕府秋風日夜清澹雲疎雨過高城樂心朱實堪時落

堪者不甚也階面青苔先自生復有樓臺銜暮景不勞鐘鼓

報新晴浣花溪裏花饒笑肯信吾兼吏隱名

趙曰汝南先賢傳鄭

欽吏隱於蟻陂之陽夢弼曰晉山濤吏非吏隱非隱

到村

碧澗雖多雨秋沙先少泥蛟龍引子過荷芰逐花低老

去參戎幕歸來散馬蹄稻梁須就列榛草即相迷蓄積

思江漢頑疎或叮咛

久有意出不得不曉人事分爾我殆幕中有不合故

暫酬知

已分還入故林棲

鄭曰先先見切洙曰曹子建詩俯身散馬蹄蒼舒曰莊子彼且為無叮咛

亦與之為無叮咛

宿府

清秋幕府井梧寒

魏明帝詩雙梧生空井詩家用井梧自此始矣

獨宿江城蠟

炬殘永夜角聲悲自語中天月色好誰看風塵荏苒音

書絕關塞蕭條行路難已忍伶俜十年事

伶即丁切俜普丁切失所

貌甫遭亂奔走自廣德二年逆數至天寶十四載凡十年矣

彊移棲息一枝安

甫時遇嚴

武募為參謀時一枝之安也莊子逍遙遊篇鵲鵲巢於深林不過一枝

遣悶奉呈嚴公二十韻

白水魚竿客

魚竿白比太公

清秋鶴髮翁胡為來幕下祗合在

舟中

仕宦失志不能決絕如此

黃卷真如律青袍也自公老妻憂坐

痺幼女問頭風平地專歌倒分曹失異同禮甘衰力就

義忝上官通疇昔論詩早光輝仗鉞雄寬容存性拙翦

拂念途窮露裛思藤架烟霏想桂叢信然龜觸網直作

鳥窺籠

不得志之語

西嶺紆村北南江繞舍東竹皮寒舊翠

椒實雨新紅浪簸船應坼杯乾甕即空藩籬生野徑斤

斧任樵童束縛酬知己蹉跎效小忠周防期稍稍

信憂纒之

念態可太簡遂匆匆曉入朱扉啓昏歸畫角終不成尋別

業未敢息微躬鳥鵲愁銀漢驚駘怕錦幃會希全物色

時放倚梧桐

即據高梧而暎但增桐字迥異

趙曰上

官指嚴武公在幕府得闕通於上官矣沫
曰龜觸網用史記龜策傳神龜抵網而遭魚者得之鳥
窺籠用潘岳秋興賦魚池籠鳥而有江湖山數之思師

曰西嶺南江述浣花里之景也沫曰束縛者言性本疎散也大觀曰別業指草堂也夢弼曰物色謂形容之老公有望於嚴武侯得遂倚桐之適也

送舍弟頻赴齊州三首

岷嶺南蠻北徐關東海西此行何日到送汝萬行啼絕

域惟高枕清風獨杖藜危時暫相見衰白意都迷

趙曰徐關

齊地言弟自岷蜀起發而之齊耳

風塵暗不開汝去幾時來兄弟分離苦形容老病催江

通一柱觀日落望鄉臺客意長東北齊州安在哉

鄭曰荊州

有一柱觀吐人呼為木履觀洙曰成
都有望縣臺乃隋蜀王秀所創也

諸姑令海畔兩弟亦山東去傍干戈覓來看道路通短

衣防戰地匹馬逐秋風莫作俱流落長瞻碣石鴻

鶴曰按公

作范陽太守盧氏墓誌盧氏所出有適會稽賀撫會稽
頻於海也趙曰齊州近海則是山東矣洙曰趙武靈王
好胡服士該知短衣洙云劉孝標廣絕交論附
騏驎之旄端轍歸鴻于碣石注海之畔山也

嚴鄭公堦下小松

得雷字

弱質豈自負移根方爾瞻細聲聞玉帳

聞一作隱

疎翠近珠

簾未見紫烟集虛蒙清露霑何當一百文歌蓋擁高簷

嚴鄭公宅同詠竹 得香字

綠竹半含箨新梢纔出牆色侵書帙晚陰過酒樽涼雨

洗涓涓淨風吹細細香但令無翦伐會見拂雲長

孫季昭示

兒編云花竹亦有無香者世所共知櫻桃初無香退之云香隨翠籠擎初重則以香言之竹與枇杷本無香子美云風吹細細香枇杷樹樹香則皆以香稱之至于太白又以柳為有香其曰白門柳花滿店香是也若夫荆公梅詩有云少陵為爾添詩興可是無心賦海棠宜謂海棠無香而不賦乎

奉觀嚴鄭公廳事岷山沱江畫圖十韻

得忘字

沱水臨中座岷山赴此堂白波吹粉壁青嶂插雕梁直

訝杉松冷蕪疑菱荇香雪雲虛點綴沙草得微茫嶺雁
隨毫末川蛺飲練光霏紅洲藥亂拂黛石蘿長暗谷非
關雨丹楓不為霜秋成玄圃外景物洞庭傍會事功殊

絕幽襟興數昂從來謝太傅邱壑道難忘

夢弼曰禹貢岷山導江東

別為沱窠宇記沱水在成都府新繁縣誠齋詩話云老
杜山水圖云沱水臨中座岷山赴此堂白波吹粉壁青
嶂挿雕梁此以畫為真也曾吉父云斷崖章偃樹小雨
郭熙山此以真為畫也洙曰秋成一作秋城太傅謝安
也安雖受朝廷寄東山之志始末不渝

晚秋陪嚴鄭公摩訶池泛舟

公自注池在府內蕭摩訶所開因是

名得

湍駛風醒酒船回霧起隄高城秋自落雜樹晚相迷座
觸鴛鴦起巢傾翡翠低莫須驚白鷺為伴宿清溪

鄭曰
駛苦

史切疾貌也趙曰清
溪公指浣花溪爾

陪鄭公秋晚北池臨眺

鶴曰公在嚴武幕中自
遣問有作奉呈後如詠

竹泛舟觀岷圖畫至北池臨眺眺皆分韻賦
詩其靖分稠密如此而史謂嚴武中頗銜之
不知何所
本而云

北池雲水闊華館闢秋風獨鶴先依渚衰荷且映空采

菱寒刺上踏藕野泥中素機分曹往金盤小徑通萋萋
露艸碧片片晚旗紅杯酒霑津吏衣裳與釣翁異方初
豔菊故里亦高桐搖落關山思淹留戰伐功嚴城殊未
掩清宴已知終何補參軍乏歡娛到薄躬

本中曰何補
參軍乏一作

參軍
事

初冬

垂老戎衣窄歸休寒色深漁舟上急水獵火著高林日
有習池醉愁來梁甫吟干戈未偃息出處遂何心

鶴曰
按是

欽定四庫全書

卷五十六

年十月嚴武攻吐蕃益川城克之公在幕府故亦衣戎衣也趙曰日有習池醉謂陪嚴出也愁來梁甫吟吟以諸葛亮自比也

正月三日歸溪上有作簡院內諸公

野外堂依竹籬邊水向城蟻浮仍臘味

謂酒也南都賦膠敦徑寸浮蟻

若萍釋名酒有沉池浮蟻在上

周庾信謝賜酒詩浮蟻對春開鷗泛已春聲

南越志鷗水鳥也在

漲海中隨潮上下

三月風至乃去藥許鄰人劉

公之不吝如此按集有天寒劉茯苓之句謂以

鐵鎚創地

而得之也書從稚子擎

言文書多任稚子也

白頭趨幕府深覺負

平生

公自嘆老而猶參嚴鄭公故人之幕府也

敝廬遣興奉寄嚴公

野水平橋路春沙映竹村風輕粉蝶喜花暖蜜蜂喧把

酒宜深酌題詩好細論府中瞻暇日江上憶詞源

邀其過我

語涉進退頗自負

跡忝朝廷舊情依節制尊還思長者轍恐避

席為門

趙曰隋文藝云筆有餘力詞無竭源鶴曰曰嚴武時尹成都節制兩川洙曰陳平家負郭窮巷

以席為門然門外多長者車轍趙曰公欲枉嚴公之駕故用陳平事以激之

春日江村五首

農務村村急春流岸岸深乾坤萬里眼時序百年心

使人

無復思致
故不可及
茅屋還堪賦
桃源自可尋
艱難味生理
飄泊

到如今

迢遞來三蜀
蹉跎又六年
客身逢故舊
發興自林泉
過

懶從衣結頻
遊任履穿藩
籬頗無限
恣意向江天

趙曰
蜀郡

廣漢郡捷為郡為三蜀鶴曰公以乾元二年冬入蜀至
是六年矣洙曰董衣威衣百結衣夢弼曰莊子衣敝履

穿負也非憊也 本一作

藩籬無限景恣意買江天

種竹交加翠
栽桃爛熳紅
經心石鏡月
到面雪山風
赤

管隨王命銀
章付老翁
宣知牙齒落
名玷薦賢中

洙曰
石鏡

雪山皆在蜀中注見前漢官儀尚書令僕丞郎月結赤管大筆一雙公時為檢校尚書工部郎故云鶴曰公為工部員外郎賜緋魚袋考漢表銀章青綬注銀印背紐其文曰章謂刻曰某官之章唐雖無賜印者公謂銀章時指魚袋而言耳趙曰銀章方賜來故次篇有垂朱紱之句

扶病垂朱紱歸休步紫苔郊扉存晚計幕府媿羣材燕

外晴綵卷鷗邊水葉開鄰家送魚鼈問我數能來

洙曰紱古

蔽膝也象冕服以章為之希曰漢韋賢傳散衣朱紱師

古注也朱紱為朱裳畫為亞文也亞古弗字故因謂之

紱又作散

羣盜哀王粲中年名賈生

羣盜中年皆不必事實政是作者

登樓初有

作前席竟為榮宅入先賢傳才高處士名異時懷二子

春日復含情

洙曰漢末王粲以西京擾亂之荆州嘗思歸作登樓賦故先賢傳載荆州有王粲宅

漢文帝以賈誼為長沙王太傅歲餘思誼微至宣室因問以鬼神事帝不覺前席曰我久不見賈生自以為過之今不及也

絕句六首

日出籬東水雲生舍南泥竹高鳴翡翠沙僻舞鸚鵡

夢弼

曰翡翠羽雀翠青羽雀上林賦注鸚鵡黃白色長頸赤喙

鵲鵲花蘂亂飛飛蜂蝶多幽棲身嬾動客至欲如何

鑿井交樓葉開渠斷竹根扁舟輕褱纜小逕曲通村
急雨捎溪竹斜暉轉樹腰隔巢黃鳥並翻藻白魚跳
舍下筍穿壁庭中藤刺簷地晴綠冉冉江白草纖纖
江動月移石溪虛雲傍花鳥棲知故道帆過宿誰家

絕句四首

堂西長筍別開門塹北行椒却背村

宛曲有趣

梅熟許同朱

老喫松高擬對阮生論

公自注朱阮

劔外相如

趙曰成椒蓋成行者

欲作魚梁雲覆湍因驚四月雨聲寒青溪先有蛟龍窟

竹石如山不敢安

洙曰覆一作復去聲趙曰魚梁乃劈竹積石橫截中流以取魚而溪下有

蛟龍窟故未敢安也

兩箇黃鸝鳴翠柳一行白鷺上青天
窓含西嶺千秋雪

門泊東吳萬里船

此千秋萬里是甚氣槩非易也洙曰西嶺即西山也冬夏常積雪鶴曰

公在浣花未嘗不繫舟也趙曰公之志每欲南下今言所泊門外之船乃欲往東吳萬里之船也漫叟詩話云詩中有拙句不失為奇作若退之逸詩云偶上城南土骨堆共傾春酒兩三杯子美詩云兩箇黃鸝鳴翠柳一行白鷺上青天是也

藥條藥甲潤青青色過棕亭入草亭
苗滿空山慙取譽

根居隙地怯成形

陪李七司馬早江上觀造竹橋即日成往來之

人免冬寒入水聊題短作簡李公

鶴曰此詩當是公在蜀州

作詳見後篇高使自
成都回題下句也

伐木為橋結構同褰裳不涉往來通天寒白鶴歸華表

日落青龍見水中顧我老非題柱客知君才是濟川功

合歡却笑千年事

如此下合歡字
誰晚頗疑其誤

驅石何時到海東

夢

曰橋前二柱曰華表故以白鶴為言也青龍為喻橋影
然朝野僉載河北道趙州有石橋甚工則天時默毀破

趙州至石橋馬跪地不進但見青龍卧橋上奮迅而怒
乃遁去洙曰成都昇連橋相如初西去題其柱曰不
乘駟馬車不復過此橋書若濟巨川用汝作舟楫趙曰
言與賓客落橋之成而歡飲因笑往事之勞徒驅石下
海也洙曰秦始皇作石橋欲過海看石出處有神
人能驅石下海石去不速神輒鞭之石皆流血

觀作橋成月夜舟中有述還呈李司馬

把燭橋成夜迴舟客坐時天高雲去盡江迥月來遲
衰謝多扶病招邀屢有期異方乘此興樂罷不無悲

李司馬橋了承高使君自成都回

鶴曰時高適守蜀州而攝

成都故云自成都回按九域志成都在蜀州之東故詩中云橋東待使君又知公是詩在

蜀州
作也

向來江上手紛紛三日成功事出羣已傳童子騎青竹

揔擬橋東待使君

洙曰後漢郭汲為并州牧始至行部有童兒數百騎竹馬道次迎拜

江上值水如海勢聊短述

為人性僻耽佳句語不驚人死不休老去詩篇渾漫與

春來花鳥莫深愁新添水檻供垂釣故著浮槎替入舟

焉得詩如陶謝手

陶淵明
謝靈運

令渠述作與同遊

寄杜位

公自述位京中有宅
近西曲江詩尾有述

近聞寬法離新州想見歸懷尚百憂逐客雖皆萬里去
悲君也是十年流干戈沉復塵隨眼鬢髮還應雪滿頭

玉壘題書心緒亂何時更得曲江遊

夢弼曰新州屬廣南道公之侄杜位

貶新州時朝廷寬其罪移之於近郡按集有杜位宅守歲詩當是明年位即被謫故云已是十年流也洙曰玉壘濁之坊名趙曰玉壘在濁州青城縣公時自城都過青城因寄此詩夢弼曰曲江在長安為勝遊之地杜位有宅青馬

題桃樹

小徑升堂舊不斜五株桃樹亦從遮高秋總餽貧人食

來歲還舒滿眼花簾戶每宜通乳鶯兒童莫信打慈鴉
寡妻羣盜非今日天下車書正一家

舍弟占歸草堂檢校聊示此詩

久客應我道

猶云我道蓋是

相隨獨爾來孰知江路近頻為草

堂迴鵲鳴宜長數紫荊莫浪開

省事語

東林竹影薄臘月

更須栽

暮登西安寺鐘樓寄裴十迪

暮倚高樓對雪峰僧來無語自鳴鐘孤城反照紅將歛

近陽也照夕近市浮烟翠且重多病獨愁常闌寂闌古奧切闌僻靜也

易窺其戶闌其故無人注闌寂也人相見未從容從容款曲也知君苦思緣

詩瘦思去聲太白交遊萬事慵李白有戲贈甫詩借問年來何瘦生只為從前作詩

苦

觀李固請司馬第三水圖三首

簡易高人意匡牀竹火爐寒天留遠客碧海掛新圖雖

對連山好貪看絕島孤羣仙不愁思有味外味冉冉下蓬壺

夢弼曰淮南子匡牀弱席非不寧許慎注匡安也

方大渾連水天台總映雲人間長見畫老去恨空聞

自傷

足力之不繼也上句亦足魂人之不能往也

范蠡舟偏小王喬鶴不羣此生

隨萬物何處出塵氛

夢弼曰孫綽天台賦涉海則有方大蓬萊登陸則有四明天台皆古

聖之所由化神仙之所窟宅洙曰范蠡為越破吳功成名遂乃乘扁舟泛江湖變姓名適齊為鴟夷子趙曰其國必畫舟與鶴故以范蠡王喬比之王喬鶴事注見前

高浪垂翻屋崩崖欲壓牀野橋分子細沙岸繞微茫紅

浸珊瑚短青懸薜荔長浮查並坐得仙老暫相將

總是好語

夢弼曰王子年拾遺記堯時巨有查浮於西海查上

有光若星月查浮四海十二年一周天名曰貫月查又

曰挂星查羽
仙棲息樓上

散愁二首

久客宜懸旆興王未息戈蜀星陰見少江雨夜聞多百

萬傳深入寰區望匪他司徒下燕趙收取舊山河

望李光弼

之深光弼為檢校司徒追收河北寶應元年進封臨淮王

聞道并州鎮尚書訓士齊

并州太原也乾元中李光弼徙河陽王思禮代為河東節

度是是時兵部尚書其後加司空則八哀詩以稱之以司空王公是也上元二年思禮以薨

幾時通

薊北

謂平定史之亂也

當日報關西

謂長安以西也戀關丹心破霑衣

皓首啼老魂招不得歸路恐長迷

屈原有招魂篇

至後

冬至至後日初長遠在劔南思洛陽青袍白馬有何意

金谷銅駝非故鄉梅花欲開自不覺棣萼一別永相望

語極有興

愁極本憑詩遣興詩成吟詠轉淒涼

夢弼曰金谷園銅駝陌定

非洛陽故鄉行樂之勝境乎劉禹錫楊柳詞云金谷園中罵亂飛銅駝陌上好風吹是也

撥悶

一作贈嚴二作別駕

聞道雲安麴米春纔傾一盞即醺人乘舟取醉非難事

下峽銷愁定幾巡長年三老遙憐汝捩柁開頭捷有神

已辦青錢防顧直當令美味入吾脣

夢弼曰雲安縣屬夔州今為雲安軍

東坡志林退之詩曰百年未滿不得死且可勤買拋青春國史補云酒有郢之富水烏程之若不榮陽之士窟春富平之石凍春劍南之燒春杜子美亦云聞道雲安麴米春才傾一盞酒醺人裴硯作傳奇記裴航事亦有酒名松醪春乃知唐人名酒多以春則拋青春亦必酒名也趙曰東坡詩麴米春香並舍間蓋出于此長年三老川中呼舟師之名夢弼曰峽中以萬師為長年拖工三老今俗謂之翁洙曰開頭一作鳴鐘皆行船貌初行船曰開頭鄭曰捩練結切捩接也趙曰川人不以準折一色見錢為青錢

登高

風急天高猿嘯哀

王洙曰宋玉云天高而氣清潘安仁勗風連急

渚清沙白鳥

飛迴無邊落木蕭蕭下

洙曰江賦尋之無邊楚詞洞庭波兮木葉下又風颯颯兮木蕭蕭

蕭

不盡長江衮衮來

洙曰謂不舍盡夜故云不盡

萬里悲秋常作客

洙曰宋玉悲秋

百年多病獨登臺

洙曰相如多病卧於茂陵

艱難苦恨繁霜

鬢潦到新亭濁酒盃

洙曰嵇康曰酒一杯潦倒鹿味

九日

廣德元年秋閬州作鶴曰是鶴曰是年秋公自梓暫往閬州冬復至梓州

去年登高郵縣北今日重在涪江濱苦遭白髮不相放

羞見黃花無數新世亂鬱鬱久為客路艱悠常傍人

酒闌却憶十年事腸斷驪山清路塵

鶴曰鄠縣屬梓州涪江水東南合梓

州之射江孫曰驪山指舊日明皇遊幸也

秋盡

鶴曰是年秋公自梓州歸成都迎家冬再往梓州

秋盡冬行且未迴茅齋寄在小城隈籬邊老却陶潛菊

江上徒逢袁紹杯雪嶺獨看西日落劒門猶阻北人來

不思萬里長為客懷抱何時獨好看

鶴曰成都大城西有小城洙曰典畧

云劉松表紹在河朔於三伏之際酬飲避暑號為河朔飲

野望

西山白雪三城戍南浦清江萬里橋海內風塵諸弟隔
天涯涕淚一身遥唯將遲暮供多病未有涓埃答聖朝
跨馬出郊時極目不堪人事日蕭條

洙曰按高適傳上
皇還京復分劍南

為兩節度百姓弊於調度而西山三城列戍適上
疏論之不納趙曰成都萬里橋公草堂在其西

老病

老病巫山裏稽留楚客中藥殘他日畏花發去年叢夜
足霑沙雨春多逆水風合分雙賜筆猶作一飄蓬

趙曰
漢官

儀尚書令漢丞郎月給赤管大筆
一雙公嘗為尚書工部郎故云

九家集注杜詩卷二十六

欽定四庫全書

九家集注杜詩卷二十七 宋 郭知達 編

近體詩

去蜀

五載客蜀郡一年歸梓州如何關塞阻轉作瀟湘遊萬
事已黃髮殘生隨白鷗

毛詩黃髮免齒

安危大臣在何必淚長

流

漢陸賈曰天下安注意相天下危注意將

放船

欽定四庫全書

九家集注杜詩
卷二十七

收帆下急水卷幔逐回灘
江市戎戎暗山雲淅淅寒
荒村無徑入獨鳥恠人看
已泊城樓底何曾夜色闌

哭嚴僕射歸櫬

趙云嚴公再尹成都乃封鄭國公加檢校吏部尚書永泰元年四月卒贈尚書左僕射

素幔逐流水歸舟返舊京

舊京故國也趙云歸櫬舟行故曰素幔逐流水盧子諒

贈崔溫詩北眺沙漠隨南望舊京路

老親如

一作知

宿昔部曲異平生

按新史武

卒母哭且曰今而後吾知免為官婢矣又云言部曲有異于存日也宋鮑照東武吟將軍既即世部曲亦罕存後漢光武注大將軍營有五部三校尉部下有曲曲下有軍候一人趙云言嚴公有母在弃之而去其母之

使尚如宿昔耳公既死部曲無主宜乎異平生也馮衍
答任武書曰敢不陳露宿昔之意故對平生字則論語
久要不忘
平生之言
風送蛟龍雨
見上蛟龍得雲雨注
天長驃騎營
晉書齊獻王攸

遷驃騎將軍時驃騎當罷營兵數十
人戀仗思德不肯去蛟龍以譬嚴公
一哀三峽暮遺後

見君情

趙云言悲哀之極而江山亦為之動色所以遺傳于後世者見嚴公有思德于公之情如此也

宴戎州揚使君東樓

勝絕驚身老情忘發興奇

趙云此篇破頭便對蓋言勝雖絕矣而驚見在之身則老

也情雖忘矣而發所對之興則奇也禮記云忘身之老也鮑照園中秋散詩云臨歌不知調發興誰與歡坐

從歌妓密樂任主人為

語云不圖為樂之至於斯也

重碧拈

一作春

春

欽定四庫全書

九家集注杜詩
卷二十七

二

酒輕紅劈荔枝

曹子建七啓蒼梧縹清注縹深碧色蜀都賦旁抵龍目側生荔枝趙云舊本

拈春酒作酤字非今就其字誤而言之酤常與論語沽酒市舖之沽同又按詩伐木篇有酒渥我無酒酤我按毛鄭解此兩句不同毛云渥蒲音所六切渥之也酤一宿酒也其謂有酒則須渥蒲使清而後飲無酒則雖一宿未清者亦飲乃王之厚意也鄭云酤買也王有酒則渥蒲之王無酒則沽買之其意以為族人陳王之恩厚於我曹雖以侈言王之盛意然豈有天子而沽酒乎詩人必不如此窮相此鄭之失也今杜公詩之酤字若用毛莢一宿曰酤言之則不成詩句用鄭元酤買言之二千石設筵必有公帑豈亦沽酒乎舊本作沽當以為正據元稹元日詩云羞看稚子先沽酒白樂天歲假詩云歲酒先沽辭不得則沽酒乃唐人語也又杜公又云門外桑桑葉可沽又云試沽衣筆掃驂駒亦沽之意沽與擘皆在主及賓身上言之詩云為此春酒以介箸膏荔

枝見于上林賦食荔枝而飲香酒蓋煮酒也謂之重碧
以酒之色言之也輕紅亦言荔枝之顏色也其後山谷
在我州有詩云試傾一盃重碧色快刺十顆輕紅肌觀
此則可見杜公重碧輕紅之義後學又以重碧輕紅為
二妾名尤可鄙笑豈不見梁簡文帝梁塵詩云依幃蒙
重翠帶日聚輕紅輕紅為荔枝膜粉紅也若以名其包
色則又惑誤學者師云戎州今叙州重碧叙州公庫酒名輕紅叙州倅園荔枝名樓高欲愁思
橫笛未休吹趙云樓高而愁思欲生何橫笛之未肯罷
休以增愁也公月夜憶舍弟云況乃未休
兵與此
句法同

渝州候嚴六侍御不到先下峽

聞道乘驄發沙邊待至今

趙云後漢桓典為侍御史有
威名常乘驄馬人號為驄馬

御史不知雲雨散

宋玉高唐賦漱兮如風連兮如雨風止雨霖雲無處所王粲詩日風流雲散一

別如雨

趙云隋江抱別袁昌詩不言雨而散更似東西流

虛費短長吟

古詩有短長吟山

帶鳥蠻潤

萬州西有鳥白蠻

江連白帝深

公孫述以永安為白帝城在夔州之側

船輕一柱過留眼共登臨

留眼一作留滯梁劉孝綽江津寄劉之遴經過一柱觀出

入三休臺餘見上卷江通一柱觀注

聞高常侍亡

忠州作鮑云高適也本傳紀廣德元年後言召為刑部侍郎左散騎常侍

歸朝不相見蜀使忽傳亡虛歷金華省何殊地下郎

江淹

上建平王書并降承明之闕出入金華之殿世說顏回為地下修文郎

趙云班固叙傳鄭寬中張禹入說尚

書論語於金華殿注在未央宮適為左散騎常侍而亡故曰虛歷金華省也王隱晉書載蕤韶已死見其弟節

韶云顏回卜商今為地

下修文郎韶亦一人也

致君丹檻折哭友白雲長

趙云折檻

言高之諫諍也觀唐史載適遠侍御史擢諫議大夫負氣敢言權近側目致君見首篇注朱雲上書願請尚方斬馬劍斷佞臣一人上問誰也對曰安昌侯張禹上大怒御史將雲下雲攀殿檻檻折雲呼曰臣得下從龍逢比干遊於天下足矣未知聖朝何如耳禮記曰朋友哭于寢門之外獨步詩名在祇令故

舊傷

適有詩名于時又曾子建與楊德祖書曰僕少好文章迄至于今二十五然今世作者可略而言昔

仲宣獨步于漢南孔璋鷹揚于河朔又南史王筠字元禮沈約謂筠文章之美可謂後來獨步祇字音支適也

宴忠州使君姪宅

出守吾家姪

出守守土也刺史是也古詩一麾乃出守

殊方此日歡

文子云殊方偏

國自須遊阮舍

阮咸與叔父籍為竹林之遊咸與籍居道南諸阮居道北北阮富而南阮貧公

自比阮籍而目

不是怕湖灘

中州下惡灘也

樂助長歌逸

一作送

杯饒旅思寬

一作林饒放思寬

昔曾如意舞牽牽

趙云王戎

嘗以如意起舞左氏傳牽牽老夫

禹廟 忠州作

禹廟空山裏
秋風落日斜
荒庭垂橘柚
古屋畫龍蛇

招魂

仰觀刻桶畫龍蛇 趙云書禹貢厥包橘柚錫貢公於東也茅屋詩有云山險風煙僻天寒橘柚垂而兩句之

勢則盧照隣文翁誦堂詩云雲氣生虛壁 一作嘯 青壁 江聲 空梁無驚雀古壁有丹青也

走白沙 趙云生虛壁當作嘯青壁字為正蓋 早知乘四

載 按史記河渠書云夏書曰禹治洪水十三年三過家 不入門陸行載車水行載舟泥行蹈橈山行即橋橋

一作華書並稷 疏鑿 一作 控三巴 華陽國志曰武王克 曰予乘四載 疏鑿 一作 控三巴 商封其子宗姬于巴

故漢末益州牧劉璋以墊江以上為巴郡江州至臨江 為永郡郡胸忍至魚腹為固陵郡也遂分矣璋復改永

寧為巴郡以固陵為巴東徙龐義為巴西太守自為三 巴郭璞江賦巴東之峽夏后疏鑿趙云今按樂史寰宇

記於渝州記云間自二水東南流三曲如巴字是 為三巴則非有分其地之定名當俟博聞訂之

題忠州龍興寺所居院壁

忠州三峽內

蜀都賦經三峽之崢嶸注三峽也東永安縣有高山相對去可二十丈文左右崖甚

高人謂之峽江水過其中趙云杜公言三峽者以明月峽為首也峽巫峽之類為中東安峽為盡矣今忠州

在渝州之下夔州之上斯乃杜公所謂三峽內也

井邑聚雲根

趙云雲根言石也張協詩雲根

臨八極蓋取五岳之雲觸石而出則石者雲之根也唐人詩多指雲根為石用之

小市常爭米

孤城早閉門

趙云兩句雖實道其事而早閉門字戰國策有邊境早閉晚開也

空看過

客淚莫覓主人恩

趙云公寓僧寺居而無顧之者故有是句

淹泊仍愁虎深

居賴獨園

金剛經給孤獨園趙云言淹泊則滯留於龍興寺之居也

旅夜書懷

細草微風岸危檣獨夜舟

趙云細草春時也荀子微風過之王仲宣詩獨夜不能寐

星垂平野濶月湧大江流

王仲宣大江流日夜趙云東方瓊嘗與盧照隣分韻有

泓湧大江流公換一月字點鐵成金矣

名豈文章著官因老病休飄零何

所似天地一沙鷗

趙云飄零字公便多矣雪賦從風飄零在人言之取物為譬也謝安內集

謂諸子姪曰白雪紛紛何所似

別常徵君

免扶猶杖策卧病一秋強

趙云吳越春秋云太王杖策而去邠字書注細木杖曰策

白髮少新洗寒衣寬揔長

趙云白髮以病而少新洗沐也寒衣以病而寬長也曹子

建詩云瘦覺衣寬長愁知酒淺淡

故人憂見及此別淚相忘

趙云故人言常徵君

也雖別而俱不能決所以成相忘也

各逐萍流轉來書細作行

趙云屬其委曲也漢

書言細書成成一札十行

十二月一日三首

今朝臘月春意動雲安縣前江可憐一聲何處送書雁

百丈誰家上水船

趙云百丈事船後內地謂之笪音彈

未將梅蕊驚愁眼

要取楸花媚遠天

趙云言眼前寒事蓋梅未開而楸有花也其句法可謂新奇矣

明光

起草人所羨肺病幾時朝日邊

明光殿名也漢王商欲借以避暑者起草作制

詰也相如病肺多渴遂卧病于茂陵

趙云後漢書郎奏事明光殿下筆為詔詰出語為命令日造言帝都也

晉明帝云只聞人自長安來不聞人從日邊來後人遂以日邊為帝都

右一

寒輕市上山煙碧日滿樓前江霧黃負鹽出井此溪女

打鼓發船何郡郎新亭舉目風景切茂陵著書消渴長

趙云晉王導傳洛京傾覆中州士人避亂江左者十六七每至暇日邀出新亭飲宴周顗中坐而嘆曰風景不殊舉目有江山之異上句以避亂流落所寓如新亭之景物茂陵則公自比于相如之有肺疾也

春花

不愁不爛熳楚客唯聽棹相將

趙云楚客則公自指為楚地之客也聽棹相將

則任船所往何處看花也

右二

即看燕子入山扉豈有黃鸝歷翠微短短桃花臨水岸

輕輕柳絮點人衣

趙云方十二月一日作詩而有燕子黃鸝桃花柳絮之言何也此義在末

句他日一杯難強進也皆逆道其事爾

春來久擬開懷久老去親知見面

稀他日一杯難強進重嗟筋力故山遠

趙云于山謂之遠家語孔子云

遠山十里猶

聞塹姑聲也

右三

又雪

南雪不到地

風土記云南方無雪

青崖霑

一作露

未消

趙云當作霑為正但雪不

濃所以不到地而止着青崖爾類延年詩藐盼覲青崖衍涿觀綠

嚙微微向日薄脈脈去

人遙冬熱鴛鴦病峽深豺虎驕愁邊有江水焉得北之

朝

趙云末句蓋言當愁之際觀江水止是朝東入海安得折而之北我乘此水以歸長安也

奉漢中王手札

國有乾坤大王令叔父尊

王謙皇帝之子代宗之叔父也

剖符來蜀道

言以漢中之封來蜀作守也前有詩公自注云王時在梓州者乎

歸蓋取荆門

由荆門軍取道

而往 峽險通舟過江長注海門

書江漢朝宗於海亦百川注海之義也

主

人留上客避暑得名園

劉松表紹于河朔三伏之際為避暑之飲

前後緘書

報分明饌玉恩

趙云上句言得漢中王手札饌玉則前漢陳成奢侈玉食晉王父子鮮衣玉食

之義言美食如玉却非洪範惟辟玉食也

天雲浮絕壁風竹在華軒

趙云觀絕壁之

天雲對華軒之風竹言在名園中如此也

已覺良宵永何堪駭浪翻

趙云上句言時

已秋矣秋江浪平故也海賦驚浪雷奔駭水逆集

入期朱邸雪朝傍紫微垣

唐制

諸侯各置邸京師故有邸吏朱邸言邸有朱戶以雪時為期而至京也謝元暉詩朱邸方開敬蓬心於

趙云

秋實晉書紫宮垣一曰紫微大帝之座天子所居也枚乘文章老河間禮樂存京西

雜記枚乘文章敏疾長卿制作淹遲皆盡一時之譽又按漢書景十三王河間獻王德武帝時來朝獻雅樂又

云立博士修禮樂被儒服衍趙云上句公自言也梁

孝王時枚乘在諸文士之間年最為高故謝靈運雪賦

召鄒生延枚叟也次句指漢中王也傳曰悲秋宋玉宅

河間之功江夏之略可為宗室標的者也

哀江南賦誅茅宋玉之宅宋玉九辨云悲哉秋之為氣

也蕭瑟兮草木搖落而變衰趙云宋玉宅在歸州言

王今在歸州又如失路武陵源見上如逢淹薄俱崖口

悲秋之宗玉也武陵路注

東西異石根趙云崖口石根言巴峽之地如此漢中王在下流為東公在夔為西也夷音

迷咫尺鬼物傍一作黃昏楚俗語言多夷音又蕪城賦

倚木魅山鬼昏見晨趨趙云

上句則變之南與蠻相接不為不遠而變已有蠻音故
公詩屢有夷音蠻語蠻歌之句左傳天威不遠邠咫尺
言近也今言在變于咫尺之間語音不同所以不省而
迷也下句一作傍常以倚為正史云妖禽孽狐得夜乃
為不祥此倚
黃昏之義也
犬馬誠為戀狐狸不足論
曹子建表不勝犬馬戀主之情

張綱傳豺狼當道安問狐狸
趙云言其有懷君之意也

從容草奏罷宿昔奉清樽

趙云此言漢中王草奏既罷當奉飲宴蓋在昔日常如
此也梁劉苞望夕雨詩曰清樽久不荐淹留遂待君

贈崔十三評事公輔

飄飄西極馬

漢郊士歌天馬來自西極

來自渥洼池

趙云以言崔有

所從來之遠也渥

洼

飄飄寒

一作定

山桂低徊風雨枝

趙云當作

寒山楚辭云桂樹叢生兮山之幽選詩桂枝生自直則桂枝不宜依徊今桂所以依徊者風雨之故也以喻崔

評事之美材而用于邊徼之小官觀音我聞龍正直道習唐韻云颯颯大風也此四句長南對

屈爾何為趙云崔如龍之直而屈在幕府僚屬故公怪而問之詩好是正直且有元戎

命悲歌識者知趙云元戎節度史也以元戎命之而有行役不能無悲歌惟識者知之官

聯辭冗長文賦固無取乎冗長趙云崔評事于元戎之際屬可辭冗長矣行路洗歌

危當開公正之路趙云以舟行則免歌危之苦也脫劍主人贈李札脫劍挂樹以贈徐君

常如伍子胥解劍以贈漁父舊注非是去帆春色隨

陰沈鐵鳳闌陸左公石闌銘蒼龍玄武之制銅雀鐵鳳之工趙云鐵鳳闌言帝都也教練

羽林兒

宣帝紀羽林孤兒注天有羽林星林喻若林木之盛羽言羽翼驚擊之意故以名武官焉百官

表取從軍死事者之子養羽林官教以五兵號曰羽林孤兒

天子朝侵早雲臺杖數

移

趙云言天子多難其朝侵早以訓兵練卒故所御非一處而數移雲臺之依也光武圖二十八將于雲臺

分軍應供給百姓日支離

支離言不親也

點吏因封已公才或

守雌

老子知其雄守其雌趙云封厚也蓋言貪吏來之以封植其已庶更聞之而柔克公正美崔公之才

中雌柔之道不乘勢利制以私于封已則為可尚爾點吏字出前漢詔書國語叔向曰引克以封已晉王導謂

孔愉有公才而無公望

燕王賈駿骨

燕昭王以千金市駿骨

渭老得熊羆

見田

臘猶非熊又見熊羆載呂望注

活國名公在拜壇群寇疑

孫楚曰愛民活國高祖築

韓信 水壺動瑤碧

鮑照詩清如玉壺水

野水失蛟螭

趙云上句以言元戎曾中

如水壺之清下句則蛟龍得雲雨終非池中物也

入幕諸彥聚

入幕見上句別賦金閨之諸彥

渴賢高選宜騫騰坐可致九萬起于斯

趙云方當渴賢而崔君宜應高

選必能騫騰如鵬之九萬里矣復進出矛戟照然開鼎彝

趙云言崔君而復于此而

出具胸中之矛戟則昭然銘功於鼎彝也

會看之子貴歎及老夫衰

左傳老父老矣

無能為也詩江有沱之子歸

豈但江曾決

孟子沛然若決江河

還思霧一披

衛瓘

見樂廣曰若披雲霧而上青天與崔相談論如江河之決又思一披霧以相見也

趙云豈時平時

暗塵

生古鏡拂匣照西施

趙云公蓋自有其有美質而久無識者此所以美崔君而責望之也

舅氏多人物無慚困翮垂

趙云舅氏之家多有人材必應如上所言奮騰富貴之事

也今日尚爾行役無慚困苦也崔益公之表弟

長江二首

衆水會涪萬

涪萬峽中二郡名

瞿唐爭一門

瞿唐為三峽之門

朝宗人

共挹盜賊爾誰尊

趙云禹貢江漢朝宗於海水以其朝宗人共挹取若盜賊者敢有犯順之

為將欲使

孤石隱如馬高蘿垂飲猿

張華詩象馬誠可驗波神亦露機蓋

誰尊爾乎

言灑灑如馬歸心異波浪何事即飛翻

趙云言水之波飛翻而流去歸

瞿唐莫下也
心未便得往何事即教其飛翻乎

其二

浩浩終不息乃知東極臨

一作深

趙云言水之萬折深東至于三峽則其來已遠

可以知東極將逼臨也

衆流歸海意萬國奉君心

衆流之所以尊海亦萬國之所

以奉君之心也

色借瀟湘潤

趙云瀟湘在潭州三峽之水入洞庭與瀟湘相連故云色借

聲

驅滌瀕深

一作沈

未辭添霧雨

趙云江海不讓衆流以為大雖霧雨之細亦可以益

其接上過

一作過

衣襟

趙云舟中之人接于其上則先經過于衣襟間也此必是微雨而作

實道其事耳選詩曰露沾衣襟

哭台州鄭司戶蘓少監

故舊誰憐我平生鄭與蘇存亡不重見喪亂獨前途豪

俊何人在文章掃地無羈遊萬里濶凶問一年俱白日

中原上清秋大海隅夜臺當北斗泉路著東吳得罪台

州去時危弃碩儒移官蓬閣後穀貴沒潛夫

王符著
潛夫論

慟嗟何及銜冤有是夫道消詩發興心息酒為徒許與

才雖薄追隨跡未拘班揚名甚盛嵇阮逸相須會取君

臣合寧詮品命殊賢良不必展廊廟偶然趨勝決風塵

際功安造化鑪從容詢舊學慘淡閱陰符擺落嫌疑久

哀傷志力輸俗依綿谷異客對雪山孤童稚思諸子交

期列友于

詩友于兄弟

情乖清酒送望絕撫墳呼瘞痢殮已

水瘡殘老蜀都飄零速哭處天地日榛蕪

承聞故房相公靈輓自閬州啓殯歸葬東都有

作二首

趙云房琯攝漢州刺史
召而死于道贈太尉

遠聞房太尉

舊作太守

歸葬陸渾山

山在伊洛間昔辛有適
伊川見披髮而祭者言

此地當夷虜為陸渾
之戎所有因得名

一德興王後孤魂久客間

同德以
舉王業

也伊尹咸有一德下句孔明多故事蜀志陳壽與荀勗等定故蜀丞相諸

言房公攝死久殯閬州孔明多故事安石竟崇班謝安薨時六十六帝三日臨于朝堂賜秘器朝服贈

葛孔明故事二十四篇以進太傅諡曰文靖及葬加殊禮依大司馬柏溫故事他日嘉陵涕一作仍霑楚水

還趙云靈輓自閬州起發則由嘉陵江而下故也

右一

丹旒飛飛日丹旒銘旌也寡婦賦飛旒嗣以啓路初傳發閬州風塵終不

解江漢忽同流趙云時吐蕃未息也蓋靈輓所經自江漢而下故曰同流劍動新身

匣趙云即本作親身方有義書歸故國樓盡哀知有處為客恐長休

趙云公因聞房公靈樞之
歸有威于中而發此言也

右二

雲安九日鄭十八攜酒陪諸公宴

寒花開已盡
菊蕊獨盈枝

趙云凡及秋之花皆謂之寒花也

舊摘人頻

異輕香酒暫隨

趙云言舊時採菊花之人頻改易上句而不同見公所逢九日之地不一也

地偏初衣袂

陶潛心遠地自偏秋興賦御袂衣

山擁更登危

風俗記九日登高以

襪萬國皆戎馬
酣歌淚欲垂

答鄭十七郎一絕

雨後過畦潤花殘步履遲把文驚小陸

雲間陸士龍

好客見

當時

將曉二首

石城除擊柝

趙云擊柝以言驚夜曉則除之

鐵鑠欲開閤鼓角悲荒塞

星河落曙山巴人常小梗

謂段子璋反也趙云謂之小梗亦不甚稱駭也史不載

舊注非是

蜀使動無還

趙云吐蕃未息所以蜀使無還也

垂老孤帆色飄颻

犯白蠟

趙云木句白蠟亦以荆地靠溪洞一帶為蠟矣舊作百蠟非

右一

軍吏回官燭

官燭字見上句

舟人自楚歌

項籍聞軍中四面皆楚歌

寒沙蒙

薄霧落月去清波

趙云天曉月落不復有影在水中

壯惜身名晚衰慙

應接多歸朝日簪笏筋力定如何

趙云四句公自言其衰老也歸朝日事簪

笏筋力之不堪爾

右二

懷錦水居止二首

軍旅西征僻風塵戰伐多

趙云永泰元年僕固懷恩誘吐蕃等寇奉天京師大震帝

自將苑中急召郭子儀屯涇陽故云西征

猶一作

聞蜀父老

司馬相如有難蜀父老文

不

忘舜謳歌

孟子曰謳歌者不詭歌堯之子而謳歌舜

天險終難立

劍門天設之險也無

徒不可恃

趙云夏止蓄能犯

柴門豈重過

謂思草堂不可再到

蜀之險也易曰天險不可升

朝朝巫峽水遠逗錦江波

錦江水與巫峽相通也趙云重懷成都之憂水徒相通

而不能即返馬

其二

萬里橋西宅百花潭北莊

浣花草堂在萬里橋西地有百花潭趙云舊本作橋南

非是公詩萬里橋西一草堂百花潭北即滄浪

層軒皆面水

宋玉招魂云高堂邃宇幽樞層軒

老樹飽經霜

趙云四時纂要冬小飽霜後收之梁吳筠行路難曰洞庭水上一株桐經霜觸浪因

巖雪嶺

吐蕃中山

界天白錦城曛日黃

曛日也

惜哉形勝地

回首一茫茫

張孟陽劔閣銘曰形勝之地匪親勿居趙云以西山尚有屯戍恐蜀受其禍故歎

惜形勝之地而不忘于懷也

子規

趙云子規與杜鵑是兩種其形聲名不同於杜鵑行古詩注言之詳矣

峽裏雲安縣江樓翼瓦齊雨邊山木合終日子規啼

子規

杜鵑也公有杜鵑行云浯萬無杜鵑雲安有杜鵑此可見矣坡云非親到其處不知此詩之工也

眇眇

春風見蕭蕭夜色淒

一作樓

客愁那聽此故作傍人低

云一

故傍旅人低此四句道盡子規之妙每于春風時時之際夜色蕭蕭之時客愁聞此能不悲感耶故傍旅人低之句非既有客愁字不應更言旅人也

立春

春日春盤細生菜忽憶兩京梅發時

趙云食生菜立春之事也按齊人月

令曰凡立春日食生菜不可過多取迎新之意下句則立春在去年之冬當梅發時也兩京東京西京也

出高門行白玉菜傳纖手送青絲

趙云于公高門也行白玉行玉盤也公吟

廢畦詩亦曰悲君白玉盤行則如農人行水精之盤行素鱗也晉成公綏洛禊賦或振纖手或濯素足此上四

句之一段古詩云蘆蕨白玉纖生菜青絲盤

巫峽寒江那對眼杜陵遠客不

勝悲

趙云言巫峽傍江地土寒眼前不見此菜宜乎其悲矣

此身未知歸定處呼

免覓紙一題詩

古詩呼童烹鯉魚

漫成

江月去人只數尺風燈照夜欲三更

趙云嘗聞士大夫云東坡先生有言

杜子美江月去人只數尺不若孟浩然江清月自人不費力此公論不可廢也 梁虞寄詩曰月光移數尺

沙頭宿鷺聯拳靜

一作起

船尾跳魚撥

一作跋

刺鳴

撥刺躍而有聲

也

薛云按漢書張平子賦控飛狐之撥刺兮射嵎塚之封狼 趙云聯拳相並相續之貌字則沈約郊居賦

云雌霓聯拳用對撥刺為稱 杜補遺云張衡賦撥刺下注云刺音力達反撥刺張弓聲李白酬贈魚詩亦云

雙鯉呀呷鰭鬣張跋刺
銀盤欲飛去一作鱗鱗

南楚

南楚青春異暄寒早早分

趙云公在夔而言南楚則夔在戰國為楚地寒盡而暄生

無名江上草隨意嶺頭雲正月蜂相見非時鳥共聞

趙云易萬物皆相見而公于蜂言之句意兩新

杖藜方躍馬不是故離羣

趙云躍馬

則言官身而在諸人之間則必騎馬今也杖藜而獨往乃放曠使然不是故為離羣也莊子原憲杖應門蔡澤曰吾躍馬食肉四十年亦足矣禮記云離羣索居

移居夔州郭

伏枕雲安縣遷居白帝城春知催柳別江與一作已放船

清

趙云言春知人之離居故催柳之發生以供行人為別也詩家于相別必用柳事蓋古有折楊柳之曲多

言離別也下句言春江

清且平供其泛船耳農事聞人說山光見鳥情禹功

饒斷石且就土微平

沿峽皆因開鑿而成故少平土惟夔州稍平耳左傳劉子數禹之功

江文通雜擬云海濱饒奇石

船下夔州郭宿雨濕不得上岸別王二十判官

依沙宿舸船石瀨月娟娟

謝靈運有回溪石瀨茂林修竹詩鮑照翫月娟娟似蛾眉

風起春燈亂江鳴夜雨懸晨鐘雲外濕勝地石堂煙

趙云

石堂應是夔州佳處空望其煙故題中所謂不得上岸也

柔櫓輕鷗外含情覺汝賢

趙云柔櫓令舟人所謂欸櫓者也言船櫓在輕鷗之外忽忽隨行不得如鷗之游漾所以含情而覺鷗之勝已也書曰不自滿假惟汝賢

入宅三首

奔峭背赤甲斷岸當白鹽

謝靈運詩孤客傷逝湍行旅苦奔峭赤甲白鹽瞿唐峽口

二山名

趙云赤甲本呬字按水經云江水東南經赤

岬西注云是公孫述所造因山據勢周迴七里一百四

十步東高二百丈西北高一千丈南連白帝山甚高大

不生樹木其石悉赤故名又云江水又東經廣溪峽江

云斯乃三峽之首也其間三千里傾巖倚木厥勢殆交

北岸山上有神淵淵北有白鹽虛高可千餘丈土人見

其高白故名之客居媿遷次春酒漸多添次舍也猶遷居也左傳凡師一宿為舍再

宿為信過信為次趙云樂昌公主詩今日何遷次花亞欲移竹鳥窺新捲簾衰

年不敢問勝槩欲相兼

右一

亂後居難定春歸客未還趙云言又見春矣以居止言不定而尚未還故鄉有所感

耳水生魚復浦雲暖麝香山魚復白帝舊名杜補遺云後漢郡國志巴郡魚復古

之庸地左氏文十年魚人逐楚師是也夔州圖經麝香山在州東南百二十五里以其出麝香故名半頂

梳頭白趙云白髮之所存者僅半頂耳過看挂杖斑相看多使者一

問函關

右二

宋玉歸州宅雲通白帝城

歸州有宋玉宅今亡矣下句見白帝城樓詩注

吾人

淹老病旅食豈才名

趙云漢宣帝歌白泛濫不止兮愁吾人故對旅食其字則祖魏文帝

旅食而館也吾人乃自言也所以

峽口風常急江流氣

不平

趙云以風急之故江流之

只應與兒子飄轉任浮

生

右三

赤甲

卜居赤甲遷居新而見巫山楚水春矣背可以獻天子

美芹由來知野人

嵇康書野人有快炙背而美芹子者欲獻之至尊雖區區之意亦已疎

矣

趙云列子宋國有田夫自曝于日不知天下有綿

纒狐貉謂其妻曰負日之暄人莫知者以獻吾君將有

重賞里之富室告之曰昔人有美戎菽甘泉蓂芹萍子

者對鄉豪稱之鄉豪取而嘗之茹于口慘于腹衆哂而

怨之其

荆州鄭薛寄詩近蜀客却岑非我鄰

四人者皆公之故舊

趙云四人者鄭監者岑參公夔州咏懷詩題云奉寄

鄭監竈詩注云鄭在江陵所以寄詩近岑參作嘉州刺

史所以謂之蜀客

笑接郎中評事飲病從深酌道吾真

其二人不敢妄考

趙云評事則崔評事也郎中未有所考道吾真則以吾為真率也

上白帝城二首

江城含變態一上一回新

朝暮雲煙變化態度多端也楚辭思美人篇曰觀南人之

變態天欲今朝雨山歸萬古春

趙云公思歸字有二義一則歸至之歸如春從沙際

歸是也一則歸往之歸如春歸何去尋是也

英雄餘事業

白帝城公孫述所築後為劉備屯戍

之地改名曰永安趙云言雄指言白帝也公孫述自號白帝築為此城

衰邁久風塵

公自言也

取醉他鄉客相逢故國入兵戈猶擁蜀賦斂強輸秦

上句

謂段子璋之徒未靖也

趙云言崔旰之亂也永泰元年閏十月劍南兵馬使崔旰反殺其將郭英又明年張

獻誠及崔旰戰於梓州敗績斯為兵戈
不是煩形勝深

慙畏損神

趙云張孟陽劔閣銘云地之形勝匪親勿居
意則以不是憚煩此地之形勝而難上以兵

戈猶在畏懼而
損吾之神爾

右一

白帝空祠廟孤雲自往來

舊注公孫述
廟在白帝城

江山城宛轉棟

宇容徘徊

趙云此篇甚明言江山之間其城宛轉棟
宇之下容于此徘徊也句法可謂新奇矣

勇

略今何在當年亦壯哉

言述始為王莽導江卒正更始
時起兵討宗成王岑之亂破之

述有蜀土借立為帝為先武所誅
云勇略今何在即前篇英雄餘自業也

後人將酒肉虛

殿日塵埃

凡舟人往來皆祀之
爾孟子必有酒肉

谷鳥鳴還過林花落又

開多慙病無力騎馬入青苔

右二

愁

強戲為
吳體

江草日日喚愁生

一作
春峽

泠泠非世情

趙云言水自
泠泠之聲也

一作春峽非蓋豈
可言夏峽秋峽乎

盤鍋鷺浴底心性

郭璞江賦云
盤渦谷轉

獨樹

花發自分明

周王褒送華詩
云平原看獨樹

十年戎馬暗萬國

自安史
亂後天

下不安者
十餘年

異域賓客老孤城

公本北人而寓
南國故云異域

渭水秦山

得見否人今罷病虎縱橫

渭水秦山皆關中風物也時方罷樂賊寇充斥而公不能

能往故云得見否 趙云渭水秦山則言長安也虎縱橫言盜賊也王粲詩云盜賊如射虎雖吐蕃亦盜賊爾

罷音疲

江雨有懷鄭典設

春雨閨閣塞峽中早晚來自楚王宮

謂旦為朝雲暮為行雨也 趙云楚

王宮指言高唐也高唐賦云楚襄王與宋玉遊于雲夢之臺望高唐之觀今言塞滿蹊中之雨且暮皆是楚王

高唐宮來或以塞為閨閣之塞 謂白帝城連峽為塞峽義不通 亂波紛披已打岸弱雲

狼籍不禁風

趙云于波言紛披于雲言狼籍此公之新 奇者打岸字應是方言如風吹船謂之打

頭風之類劉禹錫金陵懷古詩潮打空城寂寞回渾于覽云杯盤狼藉

寵光蕙葉與多碧

點注桃花舒小紅

趙云蒙藏篇改見君子為寵為光注云寵寵也箋云為寵光言天子恩澤

光耀被及已也魏鍾會孔雀賦五色點注華羽參差天雨之施蕙葉有寵光之義其于桃花才小間苞有點注

之狀使字

谷口子真正憶汝岍高滾滑

一作澗

限西東

揚子

雲白谷口鄭子真不屈其志為耕巖石之下以比鄭典設也菱有澗水出山谷間土人名之曰滾又分左右曰滾東滾西公有阻雨不得歸滾西甘林宮在滾西鄭必在滾東矣

雨不絕

鳴雨既過漸細微映空搖颺如絲飛

古詩密雨如散絲

階前短

草泥不亂院裏長條風乍稀

趙云蓋以長條之垂本自稠密因風颺之乍成稀疎

舞石旋應將乳子

湘川記零陵有石燕雨過則飛如生燕

行雲莫自濕仙

衣

謂高唐神女也注見前詩賦兩詩而變映去湘潭為近

趙云此公于夔峽間所又高唐正在其處方使

石燕神女事此之謂當體莫字非莫加之莫蓋言莫是自濕仙衣乎乃問之之辭也

眼邊江舸忽

忽促未得

一作待

安流逆浪歸

崔評事弟許相迎不到應慮老夫見泥雨怯出

必愆佳期走筆戲簡

趙云楚辭曰與佳期兮夕張謝玄暉詩佳期悵何許

江閣要賓許馬迎午時起坐自天明浮雲不負青春色

細雨何孤白帝城

李陵書陵雖孤思漢亦負德今多用辜負字俗子相承爾

身過花

間霑濕好醉于馬上往來輕虛疑皓首衝泥怯實少銀

鞍傍險行

晝夢

二月餒睡昏昏然不獨夜短晝分眠

趙云中春氣候昏令人多睡不獨夜

短晝亦分其半以眠爾司馬遷悲士不遇賦昏昏困覺內生毒瘕信蕭索無真氣昏昏有欲心後漢邊韶為弟

子所嘲曰懶讀書晝日眠

桃花氣暖眼自醉春渚日落夢相摩

趙云桃花

在暖日中薰灼人自己已有醉悶春
渚日落而夢已相牽挽不自由矣
故鄉門巷荆棘底中

原君臣豺虎間

上句言盜賊之多閭里殘獎也
不歸之棘而生荆棘矣如姑蘇臺上荆

棘滿銅駝是也豺虎以言
盜賊雖吐蕃亦盜賊爾

安得務農息戰聞普天無吏

橫索錢

時多暴賦橫斂也
暴橫求索此為可傷也

趙云吏乘軍須之勢至於
盡夢詩而後段及此公

之用心
可見矣

熟食日示宗文宗武

消渴遊江漢羈栖尚甲兵

趙云公自志其病也遊江漢
則江水漢水近荆南而合矣

詩云滔滔江漢南國之紀甲兵又言吐蕃
未息也夢實楚地近接荆南故云遊江漢

幾年逢熟食

萬里逼清明

秦人呼寒食謂熟食日言其不動煙火辨食食物過節也亦云禁煙節

松柏

卽山路風花白帝城

杜補遺十道志曰卽山在洛陽縣北十里楊仝期洛城記曰卽山古

今東洛九原之地也俗以寒食省墳子美先塋在卽而其身留寓白帝于寒食不能展省也故有此句 汝

曹催我老迴首淚縱橫

又示兩兒

令節成吾老他時見汝心

趙云令節指言寒食成吾老明老者之情不堪也言汝輩

今日年少未知老者之情他日後長大見汝之心如我今日也

浮生看物變為恨與年

深長葛書難得江州涕不禁


趙云長葛江州意是其弟妹所在特未可妄考也

團圓思弟妹行坐白頭吟

白頭吟蓋老而為詩耳其本出于司馬相如將聘茂陵女

為妾文君作白頭吟以詛之沈約宋書載古辭白頭吟曰淒淒重淒淒嫁娶不須啼願得一心人白頭不相離

其後鮑照輩作白頭吟則譏交道不終矣



九家集注杜詩卷二十七

欽定四庫全書

集部

九家集注杜詩卷

二十八至
三十

詳校官侍郎臣謝墉

檢討臣何思鈞覆勘

總校官編修臣朱鈐

校對官助教臣李巖

謄錄監生臣苟天資

欽定四庫全書

九家集注杜詩卷二十八

宋

郭知達

編

近體詩

陪諸公上白帝城頭宴越公堂之作

越公楊素也有堂在

城上畫

像尚存

此堂存古製城上俯江郊落構垂雲雨荒郊蔓草茅

趙云

雲顏而下而落子空皆有垂之義黃魯直詩云太史鑠窓雲南垂益出於此

柱穿蜂溜蜜棧

缺燕添巢

趙云柱穿字宗劉秀之傳丹陽聽事上柱有一穿

坐接春盃氣心傷

艷藻梢英靈如過隙宴術願投膠

古詩以膠投漆中趙云英靈指言公孫

述楊素如過隙則歎其已逝莊子云人生如白駒之過隙言一時英靈如過隙之駒而逝亡則今日宴術當願

如投膠于漆結網繆之好也

莫問東流水生涯未即拋趙云言不須問東流水而

使欲順流南下我此地生涯亦未即拋棄而去也

傷春五首

時避寇在蜀作

天下兵雖滿春光

一作青春

日自濃

趙云上句謂廣德元年吐蕃陷京師車駕幸陝

西京疲百戰北闕任羣凶

趙云吐蕃留京師聞郭子儀軍至驚潰子儀遂復長安下

句謂程元振魚朝恩之徒按史載柳伉疏吐蕃犯順罪由元振請斬之以謝天下以元振等弄權故呼為羣凶

關塞三千里煙花一萬重

趙云公在蜀望乘輿所在關塞之遠以春時故

言煙花

萬重也蒙塵清路急

左傳蒙塵于外

御宿且有一作

誰供

趙云御宿乃帝

御所宿也漢以為地名見揚雄校獵賦

殷復前王道

商之中宗高宗能恢復前王之道

周

遷舊國容

趙云成王營洛平王東遷此所以為周遷舊國容也

蓬萊足雲氣應合

總從龍

易雲從龍雲以比羣臣龍以比天子言羣臣合從駕出幸也

趙云蓬萊殿也公正憂羣臣有

徇身而辭亂者

故言合從龍也

右一

罵入新年語花開滿故枝天清

一作青

風卷幔草碧水通

池牢落官軍速蕭條萬事危

言國家遭難事勢蕭條危殆故公每憂之鬢毛

元自白淚點向來垂

元字與向來皆言前時

不是無兄

弟其如有別離

言雖有兄弟而為喪亂阻隔不得相保耳詩雖有兄弟語君子何患乎無兄弟

也巴山春色靜北望轉逶迤

巴山言蜀之山長安在蜀之北故北望逶迤也

右二

日月還相闕星辰屢合

一云亦屢圍

韋昭曰星相擊為闕趙云晉天文志云元帝太

興四年二月癸亥日闕漢高祖七年月暈圍參畢七重此則日月星辰有爭闕凌犯之義也如此皆主兵革

不成誅執法焉得變危機

趙云執法雖出於晉天文志南宮南四星名執法應在下

如御史之官而非今句之謂李善於辨命論宋公一言
法星三徙之下注引廣雅曰熒惑謂之罰星或謂之執
法今此指熒惑而言也蓋公之意以訛程元振之徒熒
惑人主時柳詵上書吐蕃犯順罪由程元振用事請斬

之以謝天下庾信賦
頻來險輟亟極危机

大角纏兵氣鉤陳出帝畿

天文志大角者

天上之帝座庭其兩旁曰攝提蓋京師兵又滿故曰纏
兵氣魏都賦云兵纏紫微趙云鉤陳亦星名西都賦

云周以鉤陳之位衛以嚴更之署注鉤陳王者
法之主行宮也今隨車駕出狩故曰出帝畿

煙塵昏

御道

黃道也

蒼舊把天衣

一本作固無牽白馬幾至蒼青
趙云天子從御道經行而

出為煙塵所昏下句言父老不欲車駕之出皆牽執帝
衣也煙塵字孫子荆書煙塵俱起震天駭地三國志注

多引襄陽耆舊傳天衣字借小說
郭翰傳云天衣本非針線為耳

行在諸軍闕

言軍士稀少

來朝大將稀

言藩鎮不朝吐蕃陷京師天子幸陝諸鎮畏程元振魚朝恩譖構莫肯奔命朝廷所

恃者郭子儀

賢多隱屠釣王肯載同歸

言賢避地地隱於屠釣王能為

一人而已

文王載呂望事乎任彥升為蕭揚州薦士表隱鱗卜祝藏器屠保趙云公亦微自見意矣呂望釣于渭川文王載之以歸而舉伐紂之兵若屠事則如朱亥殺晉鄙而奪兵符者大意言屠釣中有人亦不必泥事實也

右三

再有朝廷亂難知消息真近聞

一作傳

王在洛復道使歸

一作通

秦

謂傳者不一也趙云詳此篇尤見車駕出幸東都傳之未審也

奪馬悲公主登

車泣貴嬪蕭關迷北上

漢武北北出蕭關

滄海欲東巡

秦始皇帝東巡

海上銘
石勒功
敢料安危體猶多老大臣
趙云上兩句亦所傳臣以為車駕或議北

上蕭關或欲東巡滄海兩皆迷感而不定也如
此則敢料安危體乎朝廷尚有老臣可與議也
豈一作得

無愁紹血霑洒屬車塵
晉書忠義傳嵇紹以天子蒙塵承詔詣行在所值王師敗績于

蕩陰百官及侍衛莫不散潰唯紹儼然端冕以身捍衛兵交御輦飛箭雨集紹遂被害於帝側血洒御服天子深哀歎之及事定左右欲浣衣帝曰此嵇侍中血不可去也司馬相如諫獵書犯屬車之清塵

右四

聞說初東幸孤兒却走多
宣帝紀注取從軍死事者之子養羽林宮教以五兵號曰

羽林孤兒少壯者令從軍趙云此篇
聞官軍逃亡之詩却走則退却而走也
難分太倉粟
漢

倉之粟紅腐魯陽公與韓戰酣日暮援戈
而不可食趙云
竟棄魯陽戈魯陽公與韓戰酣日暮援戈

言其既走則雖有太倉之粟難與之趙云
也戈以麾戰而反棄之為可痛矣趙云
胡虜登前殿吐蕃

也師王公出御河也出奔得無一作中夜舞宜憶大風歌趙云

晉祖遜與司空劉琨雄豪著名同辟司州主簿情好綢繆共被而寢中夜聞雞起舞曰此非惡聲每語世事或

中宵起坐相謂曰若四海鼎沸豪傑並起吾與足下相避中原爾漢高祖大風歌曰大風起兮雲飛揚安得猛

士兮守四方言誰復憶省大春色生烽燧見悲青幽人風歌中有思猛士之語乎趙云幽人公自謂也方

泣薜蘿言賢者泣于草野爾趙云幽人公自謂也方春之時而唯有烽燧此薜蘿之中幽人無如之

何所以但君臣重修德猶足見時和已閭閻僻遠傷春罷泣而已趙云

闕 趙云末句尤
見公之經濟矣

右五

暮春題瀼西新賃草屋五首

久嗟三峽客再與暮春期

趙云樂史寰宇記渝州有三峽之名曰西峽巴峽巫峽明

月峽在夔州之西即西峽矣公客于夔故云

百舌欲無語繁花能幾時

趙云反舌

無聲在茫種後十日今謂之欲無語則暮春之時也

谷虛雲氣薄波亂日華遲戰

伐何由定哀傷不在茲

趙云戰伐未定乃公之深所哀傷者其為時當暮春而在僻遠

之草屋乎茲者指言之草屋語文不在茲乎

右一

此邦千樹橘不見比封君

趙云千株之橘不見從來道可以比封君乎前漢食貨志

云蜀漢江陵千樹橘其人皆與千戶封等言

養拙干戈

際全生麋鹿羣畏人江北草旅食瀼西雲

言其若路萍跡無定計也

趙云古詩常畏人魏文帝云旅食南館南館畏人在於江北之草間旅食在於瀼西之雲表此公之自歎也

萬里巴渝曲三年實飽聞

前漢禮樂志巴渝鼓角三千六人注云巴渝之樂因此始

也趙云巴即今之巴州渝即今之恭州漢高祖得巴渝之人與之定三秦其後有巴渝之樂公自永泰元年

八月至雲安縣今大歷二年為三年也

右二

綵雲陰復白錦樹曉來青

趙云錦樹曉來青言前日因花發如錦今此春暮密葉已

穠故青也

身世雙蓬鬢乾坤一草亭

趙云上句言身已老雙鬢如蓬矣下句言天地

之間有此浪西一草亭也非以為喻

哀歌時自短醉舞為誰醒

趙云言歌不終其憂

聲而忽然短短佳緣古詩有長歌行短歌行故也

細雨荷鋤立

陶潛詩曰晨興理荒穢帶月荷鋤歸

江猿吟翠屏

天台山賦橫壁立之翠屏長門賦玄猿嘯而長吟

右三

壯年學書劍

項籍少時學書不成去學劍

他日委泥沙

公自嘆其流落言不用于

時
爾事主非無祿浮生即有涯莊子吾生也有涯高齋依藥餌絕

域改春華

謝玄暉有高齋詩李陵奉使絕域春華春之光華也

喪亂丹心破

赤丹心

也

王臣未一家

詩率土之濱莫非王臣未一家言未混一也禮記聖人以天下為一家也

右四

欲陳濟世策已老尚書郎

趙云晉石苞傳宣帝曰夏簾之士未必能經濟世務公官

是尚書工部員外郎故云已老尚書郎木蘭歌云木蘭不用尚書郎

不息豺虎關空慚駕

驚行

趙云豺虎以言盜賊王粲詩云盜賊如豺虎公曾任左拾遺籍占朝列故云駕驚行古詩云厠迹驚

驚時危人事急風逆羽毛傷

趙云時危人事急又暗結不息豺虎關之句風逆羽

毛傷又時結驚行之句
上句言理下句比興也

落日悲江漢中宵淚滿牀

趙

或曰禹首荆及衡陽為荊州江漢朝宗於海孔氏云二
水經此州而入海公詩於荊州每言江漢則亦以其切

近荆
楚矣

右五

承聞河北諸道節度入朝歡喜口號絕句十二

首

趙云自程元振用事來瑒李懷讓以上將誅
斤裴冕李光弼以元勳被譖方帥由是携解
吐蕃入寇詔集天下兵無一士奔命
者今聞諸道節度入朝歡喜可知也

祿山作逆降天誅更有思明亦已無
洵人寰猶不定

時時戰鬪欲何須

趙云祿山思明蓋追言之也安祿山父子僭位凡三年而滅在乾元二年

也史思明父子僭位四年而滅在廣德元年也是歲七月吐蕃入寇故有下句

右一

社稷蒼生計必安
蠻夷雜種錯相干

漢書卷胡雜種類不一也

周

宣漢武今王是

言除去暴亂如孝武恢復帝業如周宣也

孝子忠臣後代看

趙云此篇望諸節度之忠孝也錯相干字衡玠云非意相干可以理遣

右二

喧喧道路多譌

一作好童

謠河北將軍盡入朝始是乾坤王

室正却交江漢客魂銷

趙云公因喜諸節度入朝而傷其汎落未有還闕朝王之期魂

銷則所以重歎也舊注云望朝廷微用豈公本意哉

右三

不

一作北

道諸公無表來茫然庶事遣人猜擁兵相學干

戈銳使者徒勞百萬迴

吐蕃之亂諸道節度無一救援者朝廷遣使敦諭竟不至趙

云諸節度雖亦通表于朝然不肯入覲此為可猜也公為詩探其心意且為寬法以待之春秋之義也

右四

鳴玉銛金盡正臣

西征賦飛翠綵拖鳴玉以出入禁門者衆矣

修文偃武不

無人

書乃傳武修文

興王會靜妖氛氣聖壽宜過一萬春

趙云

銷金言諸節度使貴稱爲正臣則公待之以忠義喜其入朝也劉向云正臣進者治之表國語與王賞諫臣陳

徐陵移齊文有剪妖氛空巢穴之語

右五

英雄見事若通神聖哲爲心小一身

言不役天下以奉一人也

燕趙

休務出佳麗

古詩燕趙多佳人美者顏如玉

宮闈不擬選才人

趙云燕趙

節度入朝却防其媚悅而獻其佳故預爲戒才人宮中之爵號唐制才人正二

右六

抱病江天白首郎

馮唐白首尚為郎為尚書員外郎所謂白首郎也

趙云公晚年空

山樓閣暮春光

趙云空山樓閣指白帝城城上有白帝樓也

衣冠是日朝天

子草奏何人入帝

鄉趙云草奏之語公有所激爾

右七

澶漫山東一百州

趙云山東今日之河北也唐謂之山東古云山東出相山西出將則以太

行山為言耳

削成如按抱青丘

削平也顏延年充使詩入河起陽峽踐華因削成又西山

經曰太華之山削成而四方相如子虛賦秋田乎青丘

苞茅重入歸闕內王祭還

供盡海頭

趙云左傳齊威公問罪楚國曰汝貢苞茅不入王祭不供無以綰酒言諸道皆入貢也

右八

東逾遼水北滹沱

趙云遼水在今平平長城之外在漢曰玄菟郡按後漢郡國志玄菟郡高

句驪遼山遼水所出注外山海經曰遼水出白平山以地圖觀之是為中國之極東逾遼水則又自營平而往矣後漢光武紀至滹沱河無船遇水合得過注山海經云大戲之山滹沱之水出焉今在代州繁峙縣是為河

北之北今云北滹沱則極熱趙之地廣而言之也舊本作呼沱師民瞻本作滹沱是星象風雨喜

共和紫氣關臨天地濶

趙云指言函谷關也周時尹喜為關吏望其上有紫氣云當有

聖人入隨而老子來今公借言紫氣臨關而天地濶遠以見天地混一也黃金臺貯俊賢多

燕昭王置千金於臺上以延天下之士故稱爲黃金臺
趙云臺在燕地昭王所築以禮郭隗而繼得樂毅也
幽燕既平盡屬王化其
黃金臺上賢俊復集也

右九

漁陽突騎邯鄲兒

見十一卷漁陽詩注漁陽突騎邯鄲兒

漁陽燕州也漁陽突騎四字則漢光武克邯鄲置酒高

會從容謂馬武曰吾得漁陽上谷突騎欲令將軍將之

蔡邕曰冀州強弩幽州突騎天下之精也酒酣並轡金

邯鄲趙州也邯鄲兒見如幽並兒之類爾

鞭垂高祖過沛留意氣即歸雙闕舞帝闕也雄豪復遣

五陵知

五陵漢之五陵亦豪俠所聚之地趙云西都

賦南望杜霸北眺五陵注漢所葬之七陵據賦

分作兩句言陵之在北者曰五陵謂燕趙
雄豪所以歸向帝闕之意皆為王臣也

右十

李相將軍擁薊門

趙云李相則節度使之稱相公者將軍則節度使之稱將軍者擁薊門乃

河北諸道節度矣

白頭惟有赤心存

舊本作白頭雖老赤心在師民瞻本作白頭惟有赤

心存公自謂也竟能盡說諸侯入知有從來天子尊

趙云畢竟能盡喜悅

諸侯之入朝者蓋天子從來有至尊之勢也

右十一

十二年來多戰場

趙云天寶十四載安祿山反接之以史思明又接之以吐蕃至今歲大厯

二年春凡十二年
矣至今春兵息

天威已息陣堂堂

左傳天威不遠
咫尺孫子云堂堂

之神靈漢代中興主功業汾陽異姓王

右十二

得舍弟觀書自中都已達江陵今茲暮春月末
行李合到夔州悲喜相兼團圓可待賦詩即事
情見乎辭

爾到江陵府何時到峽州亂離生有別聚集病應瘳

趙

生有別則楚辭云悲莫悲于生
別離書若藥不暝眩厥疾弗瘳

颯颯開帝眼朝朝上水

樓老身雖付託白骨更何憂

喜觀即到復題短篇二首

巫峽千山暗終南萬里春

終南山名在長安言去家萬里也

病中吾見

弟書到汝為人

始為亂離所隔莫知其生死及書方知弟生存也

意答兒童問

來經戰伐新

或云戰伐塵謂其自戰伐風塵中來兒童之必喜而勞問也

泊船悲喜

後款款話

一作議

歸秦

右一

待爾嗔烏鵲拋書示鵲鴿

趙云西京雜記曰乾鵲噪而行人至言待其弟來怒烏鵲

之不實也詩云鵲
令在原兄弟急難
枝間喜不去原上急曾經趙云上句

鵲之句嘆之者何以其喜不去恐徒成妄也下句以
成拋書示弟之句示之者何以其急難之曾經也江

閻嫌津柳嫌其隔望眼也風帆數驛亭數其期程也應論十年事撫

絕始星星趙云舊本然絕一作撫絕當以撫絕為正星

媚側室青青不改父星星行復出

右二

喜聞賊盜蕃寇總退口號五首

蕭關隴水入官軍趙云蕭關在靈州之傍隴水則隴州之水入官軍則吐蕃退而官軍盡入

其居

青海黃河卷塞雲

青海在西吐蕃之地黃河則自積石而往卷塞雲則無復戰陣

而邊塞之雲卷散矣餘見君不見青海頭注

北極轉愁龍虎氣西戎休縱犬

羊羣

上句漢高祖紀范增說項羽曰吾使人望漢王氣其上皆為龍虎五色趙云北極者指帝座而言

也

右一

贊普多教使入秦

贊普吐蕃主師

數通合好止煙塵

按新史傳至德三載

吐蕃使使來請討賊且修好肅宗遣使報聘

朝廷忽用哥舒將殺伐虛悲公

主親

趙云此篇四句通一段事開元二十八年吐蕃金城公主薨遣使來告因請和而明皇不許後二年

帝以哥舒翰節度隴右翰政拔石堡更號神武軍又擒其相又破洪濟翰雖有功而結吐蕃之怨深矣其後祿山之亂遣侯空虛故吐蕃得乘隙暴掠則公之意不美朝廷之用翰以招殺伐矣是則國家虛悲公主之死而已

右二

崆峒西極過崑崙

趙云崆峒在西郡之西而崑崙又在崆峒西極之西今公此句詩人廣大

其言謂其從化之地遠也

駝馬由來擁國門逆氣數年吹路斷蕃人

聞道漸星奔

趙云劉越石答盧譔四言詩云表報孱弱匍匐星奔又劉孝標廣絕交論云靡不望

影
奔

欽定四庫全書

卷二十八

右三

勃律天西采玉河堅昆碧盃最來多

趙云勃律堅昆皆西羌國名勃律天

之西乃采玉河所在應是于闐國也碧盃出堅昆國杜補遺云晉平居誨為張鄴使于闐國官作行程記云玉河在于闐城其源出崑山西流千餘里主于闐界乃流為三河白玉河綠玉河烏玉河五六月大水暴漲則玉隨流而至秋水退乃可采薛夢符引唐書于闐國距京師九千七百里有玉河國人夜視月光盛處必得美玉堅昆國在唐為黠戛斯匈奴西鄙也地當伊吾之西焉耆北山之旁舊隨漢使千堆寶

少荅胡王萬匹羅

趙云舊日以千堆寶隨漢使入貢而中國所荅者持萬匹羅爾夫以蠻夷

入貢之多而中國賜遺之不自非服化從義而然乎

右四

今春喜氣滿乾坤南北東西拱至尊太歷二年調玉燭

玄元皇帝聖雲孫

爾雅四氣和謂之玉燭疏云四時和氣溫潤明照故曰玉燭李巡云人君

德美如玉而明若燭是知人君德輝動于內和氣應于外統而言之謂之玉燭爾雅親孫之子為曾孫曾孫之子為玄孫玄孫之子為來孫來孫之子為晁孫晁孫之子為仍孫仍孫之子為雲孫注言輕遠如浮雲七世孫也唐以老子為聖祖封玄元皇帝故曰聖雲孫

右五

即事

暮春三月巫峽長

語云暮春者春服既成盛弘之荊州古歌云巴東三峽巫峽長猿鳴三聲

淚沾裳

晶晶行雲浮

一作無

日光

陶淵明詩晶晶川上平

雷聲忽送千

峰雨花氣渾如百和香

趙云莊子淵嘿而雷聲梁孝元帝經巴陵詩柳條常拂岸花氣

薰舟神仙傳曰淮南王為八公張錦繡之帳燭百和之香又古詩傳山爐中百和香鬱金蘇合與都梁

黃

鶯過水翻迴去燕子銜泥濕不妨飛閣卷簾圖畫裏虛

無只少對瀟湘

趙云雖眼前之山水如畫圖而虛無空濶只欠瀟湘相對也上林賦乘虛無與

俱神

見螢火

巫山秋夜螢火飛簾疎巧入坐人衣

趙云簾之疎漏螢火入于坐客之衣

也公詩又有時能點客衣之句

忽驚屋裏琴書冷復亂簷邊星宿稀却

繞井欄添箇箇偶經花藥弄輝輝滄江白髮愁看汝來
歲如今歸未歸

送十五弟侍御使蜀

喜弟文章進添余別興牽

趙云南史丘靈鞠在沈深坐見王儉詩深曰王令文章大

進曰何如

數盃巫峽酒百丈內江船

水自渝上合者謂之內江自渝由戎

瀘工蜀者謂之外江趙云上水乃使

未息豺狼鬪

言戰

爭
也 空催犬馬年

以自稱其年故從卑賤晉陶侃臨終上表曰臣猶謂犬馬之齒尚可少延 歸

朝多便道搏擊望秋天

便道問道也前漢趙充國傳曰將軍引兵便道西並進使虜聞

東北方兵並進杜田云舊唐史桓彥範為中丞舉揚嶠為御史嶠不樂搏擊之任彥範曰為官擇人豈待情願

遂引為右臺御史是詩送待御弟使蜀故云

暮春

卧病擁塞在峽中瀟湘洞庭虛映空

趙云言瀟湘洞之景虛映空而我

病卧峽中不得往觀也梁簡文詩春色映空來

楚天不斷四時雨

古詩地近漏天經細雨

巫峽長吹千里風

巫峽多風趙云陳陸鑑晚泊五洲詩遙然一柱觀欲輕千里風

沙

上草閣柳新闌城邊野池蓮欲紅暮春鴛鴦立洲渚挾

子翻飛還一叢

趙云韻書曰叢聚也一叢則鴛鴦與子為一叢爾

晴二首

久雨巫山暗新晴錦繡紋

江山晴明風物鮮麗若錦繡也

碧知湖外草

趙云洞庭湖之外遂連青草湖也選云春草碧色春水綠波

紅見海東雲

趙云言自出之處紅

雲也兩句以言峽中之晴不亦開廣乎

竟日鶯相和摩霄鶴數羣

淮南子曰鳴鶴

背負蒼天膺摩赤霄此摘用之也

野花乾更落風處急紛紛

右一

啼鳥爭引子鳴鶴不歸林

趙云有鳥夜啼曲
易曰鳴鶴在陰

下食遭泥

去高飛恨久陰

趙云工句言鳥下句言鶴
高祖紀鴻鵠高飛一舉千里

雨聲衝塞

盡日氣射紅深回首周南客馳驅魏闕心

趙云太史公曰余留滯周

南不得從郊祀之事公自言留滯于太史公之在周南也莊子身在江湖之上心馳魏闕之下蓋天子之門而闕謂之象魏
薛云文選謝靈運詩仲連輕齊組子牟眷魏闕

右二

雨

始賀天休雨還嗟地出雷

易曰雷出地奮豫

驟看浮

一作

峽遇

密作渡江來

趙云浮峽對渡江作巫峽字非

牛馬行無色蛟龍關不開

莊子秋水時至不辨牛馬

干戈盛陰氣未必自陽臺

月令陰氣太盛戎兵乃來蓋言

因陰氣盛而多雨非自陽臺而來也

趙云惟是峽中

詩用陽臺為當體神女曰妾在巫山之陽高丘之阻旦

為行雲暮為行雨朝朝暮暮陽臺之下又稽神異苑載

述征記曰蕭思遇洛神女後逢雨認得香氣曰此雲雨

從巫

山來

月三首

新續巫山雨天河此夜新

天河銀漢也廣雅云天河謂之天漢

若無青嶂

月愁殺白頭人

趙云古樂府有愁殺人之句

魍魎移深樹

月明則魍魎遁逃也

左傳入山不迷
不若魃魃魃魃

蝦蟆動半輪

趙云蝦蟆白兔皆月中之物

故園當記

斗直指照西秦

北斗辰極也

趙云一說長安城有南斗北斗之像一云長安上直北斗廣雅

云北斗樞為雍州故公又有詩曰北斗故臨秦

右一

併照巫山出新窺楚水清

趙云併照字當作併點舊本照字淺近著一點字可謂新

奇也羈栖愁裏見二十四迴明

趙云此又公不拘數對數之格羈栖之愁對二十有

四其勢暗敵指見在變歷望夜凡二十四迴也

必駢升沉體如知進退情

謂不遠強

望也趙云月初出曰升既落日況升則進之道沉則退之理也

不違銀漢落亦伴玉

繩橫

鮑明遠夜移銜漢落謝靈運玉繩低建章趙云河漢落則月將落矣玉繩星名凡夜深則玉繩低

也月月隨銀漢而落伴玉繩而低乃望夜之月也杜補遺云河圖括地象曰河精上為天漢抱朴子曰河漢

者天之水也隨天而轉入地下過故公言落

右二

萬里瞿唐峽

一作月趙云指言夔州也

春來六上弦時時開暗室

君子不欺暗室

故故滿青天

若披雲霧而觀青天

爽合風襟靜高當淚臉

懸

趙云公以羈旅在外傷時感舊也宋玉風賦披襟當之

南飛有鳥鵲

曹孟德詩月明星稀

鳥鵲南飛遶樹三匝何枝可依

夜久落江邊

右三

園

仲夏流多水清晨向小園碧溪搖艇濶朱果爛枝繁

趙云

碧溪搖艇濶以成仲夏流多水之句始為江山靜終防

朱果爛枝繁以成清晨向小園之句

趙云媚者宜也詩媚于天子又梁沈約悲

市井喧嘩疏繞茅屋自足媚盤飧

我行曰旅遊媚年春年春媚遊人左傳盤飧寘璧

歸

東帶還騎馬東西却渡船林中才有地峽外絕無天

夔州

居山水間在峽中故號為狹中然狹隘虛白高人靜喧
多石虛全詩低頭雖有地仰面執無天

卑俗累牽

莊子云虛室生白注人人能虛心遊世則純白備于內鮑明遠舞鶴賦歸人寰之喧卑

他鄉悅遲暮不敢廢詩篇

諸葛廟

久遊巴子國

今夔州古巴子國

屢入武侯祠竹日斜虛寢溪風

滿薄帷

阮嗣宗詠懷云薄帷鑒明月

君臣當共濟賢聖亦同時羽戴

歸先主并吞更出師

亮出師表云有并吞中國之志

蟲蛇穿畫壁巫覡

醉蛛絲

薛云國語楚觀射父曰民之精爽不貳齊肅矣正則神或降之在男曰覡在女曰巫比言廟樊

醉于蛛絲中也趙云合用巫現字

欸一作欸

憶吟梁父躬

耕也未遲

亮耕南陽作梁父吟也未遲一作起未遲趙云末句公感孔明梁父吟事方切思歸耕

而起耳舊本作也未遲非蓋却成方欲躬耕也

豎子至

檀梨纔

一作且

綴碧梅杏半傳黃

趙云言幽園之果一則纔綴碧一則半傳黃未

可摘

小子幽園至輕籠熟棹香山風猶滿把野露及新

嘗

記天子嘗新

欲寄江湖客提携日月長

趙云言豎子所摘來之熟棹正欲寄

遠而恨道路之長費時日也古詩云涉江采芙蓉蘭澤多芳草采之欲遺誰所思在遠道公蓋取其此意也

舍弟觀歸藍田迎新婦示兩篇

汝去迎妻子高秋念却迴即今螢已亂好與鴈同來

趙云

螢已亂當是三四月間鴈同來所以結高秋念却回之語

東望西江永

舊本作西江水師本作西

江永蓋永字方輿下句開字相對西江者楚人指蜀江之名莊子數西江之水疏云蜀江從西來故謂之西江

公欲泛舟南下今在夔為楚之上游則西江之盡處在其東故東望其永詩云江之永矣不可方思南遊

北戶開

趙云既成南遊則北戶之開矣吳都賦云開北戶以向日

卜居期靜處會有

故人杯

趙云既至彼則卜居必期幽靜之處當有故人相訪共飲也屈原有卜居篇南史有云性好靜

處謝朓離夜詩山川不可夢况乃故人杯

右一

楚塞難為別

一作路

藍田莫滯留

趙云客寓楚塞兄弟之情難乎其為別也舊

本作難為路無意義既知離別之難故祝以無留滯而即迴耳

衣裳判

協平聲

白露鞍馬

信清秋

趙云白露降則秋時矣

滿峽重江水開帆八月舟此時同

一醉應在仲宣樓

趙云王粲字重宣劉表時在荊州因登樓而作賦其後因指荊州樓為仲

宣樓則梁元帝詩夕返仲宣樓蓋約其弟迴時相會荊州也

右二

季夏送鄉弟韶陪黃門從叔朝謁

令弟尚為蒼水使名家莫出杜陵人

杜陵有南北杜最
為名家 趙云吳

趙春秋禹登衡岳血白馬以祭夢見赤繡衣男子稱玄
夷蒼水使者曰聞帝使文命于斯故來侯之一本自注

云韶比燕開江使通
成都外江水峽舟楫比來相國兼安蜀歸赴朝廷已入

秦

杜鴻漸以相國入蜀平崔旰
之亂尋表吁為節度使還朝

捨舟策馬論兵地拖玉

腰金報主身

潘安仁西征賦拖鳴玉以出入禁門者眾
矣腰金橫金帶 趙云上句言二人同行

可以論兵矣下句
專言叔父黃門也

莫度清秋吟蟋蟀早聞黃閣

一作畫

麒麟

潘安仁為黃門作秋興賦云蟋蟀鳴乎軒屏下句
見危聖登黃閣又見今代麒麟閣注 趙云蟋蟀

字見毛詩而阮籍詠懷詩云開秋北涼氣蟋蟀鳴牀帷
感物懷殷憂悄悄令心悲此為吟蟋蟀也按鄭玄注禮

記三公之與天子禮秩相亞故黃其間以示謙不敢
斥天子宜是漢舊制也漢武帝畫功臣於麒麟閣上

熱三首

雷霆空霹靂雲雨竟虛無

趙云雷霆霹靂字如穀梁傳云陰陽相薄感而為雷激而

為電又何休公羊注云雷疾甚為震而五經通義云震與霆皆霹靂也虛無字上林賦乘虛無與神俱其後文

賦云課虛無

以責有也

炎赫衣流汗低垂氣不蘇乞為寒水玉願

作冷秋菰

趙云寒水玉冷秋菰非有定名也蓋言寒水中之玉冷秋時之菰耳句法蓋庾信和樂儀

同苦熱云思為驚翼扇願借明光宮也

何似兒童歲風涼出舞雩

趙云親志賈逵

自為兒童戲弄常設部伍舞雩事則論語云冠者五六人童子六七八人浴乎沂風乎舞雩詠而歸

右一

瘴雲終不滅瀘水復西來

瀘水在夔之上流諸葛亮云五月渡瀘益大渡河水從南

荒炎瘴中流出故也

閉戶人高卧

孫敬閉門讀書諸葛亮高卧南陽

歸林鳥却迴

趙云人閉戶而高卧鳥不安而又飛其熱又甚矣

峽中都似火江上只空雷想

見陰宮雪風門颯踏開

孟子齊宣王見孟子于雪宮故使陰宮雪也

右二

朱李沈不冷雕胡炊屢新

魏文帝書浮甘瓜于清泉浸朱李于寒水沈休文長袂屢

以拂彫胡方自炊

將衰骨盡痛被喝

一作渴

味空頻

趙云喝音於歇切傷暑也

故禹肩暘武王亦肩暘今方被暘而有泥水之朱李歟
新炊之彫胡其味空頓不能食也舊本作被褐無義歟
許律

翕炎蒸景飄飄征戍人

趙云歟翕義即歟吸也字則江文通歟王維詩云歟

吸鷗鷺悲又謝朓高松賦云卷風颭之歟吸

十年可解甲為爾一霑巾

右三

返照

楚王宮北正黃昏白帝城西過雨痕返照入江翻石壁

歸雲擁樹失山村

趙云返照字梁元帝纂要云光返照于東謂之返景公詩又曰孤城返照

紅將飲歸雲字則如陸士衡歸雲難寄音失字鮑照詩霧失交河城也

哀年肺病唯高枕

絕塞愁時早閉門，不可以留豺虎亂南方。實有未招魂，
宋玉作招魂篇云：魂兮歸來，南方不可以上。此趙

示獠奴阿段

山木蒼蒼落日曛，竹竿裊裊細泉分。

以竹引也。

郡人入夜

爭餘，憑豎子尋源獨不聞。

趙云：詳味此詩，意水源在遠，以筒引水而使郡人分取之。

其水咽塞，或滲漏而不通，快故郡人止爭餘。憑耳惟阿段者，獨能尋源修筒，水而至焉。

病渴三更

迴白首。

趙云：公病渴，賴此水為多也。

傳聲一注濕青雲。

趙云：修筒之後，水來之聲。

自傳聞矣。濕青雲言水筒之源流高遠也。

曾驚陶侃胡奴異，怪爾常穿虎豹

羣

此詩全篇皆引泉事薛夢符云晉書陶侃傳滕安數
十家僮千餘世說王修齡曰修齡若飢自當問謝仁

祖索食不須陶胡奴米船注胡奴陶範小字侃別傳曰
範侃第十子也師云陶侃有十七子見本傳書止九

人唯袁宏傳載胡奴於密室抽刀逼宏以宏作東征賦
皆載遇江諸公名德而不及侃宏窘急遂口占六句答

之胡奴乃止亦不見穿虎豹羣事胡奴名惟見于此趙

云薛夢符既引胡奴陶範小字可以見胡奴乃侃之子

也而于阿段似無相干余逆其意陶侃奴僕之多其子

胡奴必有所稱異之者如今日阿段能穿虎豹羣以尋

水源其在陶侃家僮之中亦必有可異

者矣意似如此而事未顯見以俟傳聞

簡吳郎司法

有客乘船自忠州遣騎安置瀼西頭

前詩注所謂
瀼東瀼西者

古堂

本買藉疎豁借汝遷居停宴遊

趙云借吳司法自舟中遷來以居而我甘心停

止宴遊也

雲石熒熒高葉曙風江颯颯亂帆秋

趙云腹聯兩句以言漢西

古堂所見之景物也

却為姻婭遇逢地

詩瑣瑣姻婭按爾雅婦之父母婿之父母相為姻婭

許坐曾軒數散愁

趙云吳郎與公為姻婭之家既借古堂與之居乃為我相遇從之北耳應

仍許我坐于層軒數數散其愁也

又呈吳郎

堂前撲棗任西鄰無食無兒一婦人

前漢王吉傳東家

妻取棗啖吉吉如之乃去婦東家欲伐樹吉乃還婦里語曰東家棗完去婦復還

趙云公之樂易則告吳郎

欽定四庫全書

詩

九家集注杜詩

孟

以一任西家
之婦取來也

不為困窮寧有此祇緣恐懼轉須親

趙云言探

斯婦之情蓋困窮所致又告吳即當念其恐懼宜更親
之此兩句其上句有遺東滯德資寡婦之利之意下句
則有見竊苟而又擲與之同科可見公
之用心使其在廟堂澤及天下可知矣即防一作知遠客

雖多事使

一作便

插疏籬却甚真

趙云言雖任鄰婦取來然吳即以遠方而來謂

多事之不可測亦須謹藩
籬以防寇盜不害為真爾

已訴徵求貧到骨正思戎

馬淚盈巾

趙云末句言取來之鄰婦已告訴為徵求所困而貧到骨下句乃公聞其徵求之語正思

因戎馬所致而淚霑巾也

九家集注杜詩卷二十八